

大清律例

K

1112/2

1740

v. 9

EAST ASIAN LIBRARY
UNIVERSITY OF TORONTO LIBRARY
130 St. George Street
8th FLOOR
TORONTO, CANADA M5S 1A5

University of Toronto
Library
e532/a
ASIAN COLLECTION

大清律例卷二十三目錄

刑律

賊盜上

謀反大逆

謀叛

造妖書妖言

盜大祀神御物

盜制書

盜印信

盜內府財物

盜城門鑰

盜軍器

盜園陵樹木

監守自盜倉庫錢糧

常人盜倉庫錢糧

強盜

大清律例卷二十三

刑律

賊盜上

謀反大逆

凡謀反

不利於國謂謀危社稷

及大逆

不利於君謂謀毀宗廟山陵及宮闕

但共謀者不分首從

已未行

皆凌遲處死

正犯

祖父父子孫兄弟及同居之人

如本族無服親屬及外祖

父妻父女壻之類

不分異姓及

正犯之期親

伯叔父兄弟

之子不限

已未析居

籍之同異

男

年十六以上不

論篤疾廢疾皆斬其男十五以下及正犯母

女妻妾姊妹若子之妻妾給付功臣之家為

奴正犯財產入官若女兼姊許嫁已定歸其夫

正犯子孫過房與人及正犯聘妻未成者俱不

追坐上止坐正犯兄弟之子不及其知情故

縱隱藏者斬有能捕獲正犯者民授以民官軍

授以軍職量功授職仍將犯人財產全給充賞知

而首告官為捕獲者止給財產雖無故縱但不首

者杖一百流三千里未行而親屬告捕到官

正犯與緣坐人俱同自

首免已行惟正犯不免餘免非
親屬首捕雖未行仍依律坐

條例

一凡反逆案內干連流犯並妻子俱流徙烏喇
地方如本犯身故有子者其妻仍同流無子
者免流

盜竊財物價值不滿五十以下及

女妻妾姊妹若子之妻妾給付功役之家

奴財產入官若女姊妹許嫁已定歸其夫

他子孫過房與人及正犯聘妻未成者俱不

得贖

此代賊本罪良姑存年者其妻妾同流無干

一凡以強盜內年數滿罪並妻妾身流新島陳

新國而首告官為捕獲者止給財產

贖銀首告官未得財物者亦不給

謀叛

凡謀叛

謂謀背本國潛從他國

但共謀者不分首從皆斬

妻妾子女給付功臣之家為奴財產並入官

姊妹不坐

女許嫁已定子孫過房與人聘妻未成

者俱不坐父母祖孫兄弟不限籍之同異皆

流二千里安置

餘俱不坐

知情故縱隱藏者絞有

能告捕者將犯人財產全給充賞知已而不

首者杖一百流三千里若謀而未行為首者

絞為從者

不分多少

皆杖一百流三千里知未而

不首者杖一百徒三年

未行則事尚隱秘故不言故縱隱藏

○

若逃避山澤不服追喚者

或避差或犯罪負固不服非暫逃比

以謀叛未行論

依前分首從

其拒敵官兵者以謀

叛已行論

依前不分首從律以上二條未行時事屬隱秘須審實乃坐

條例

一叛案內干連流犯流徙烏喇地方如本犯身

故妻子免流

一凡叛犯之孫如有年幼不便與父母拆離流

徙者一併交與該管衙門令其親屬收養

一凡審擬叛案如果謀叛情實在本省者取本犯確實口供原籍住址將該犯父母祖孫兄弟妻妾子女家屬財產俱察明嚴行看守詳開數目具題如係隔省確取本犯口供行文該地方官嚴拏看守有隱漏者該督撫卽將該管官指名題叅以憑議處

一叛逆旂下人口照例交與該管衙門其民人叛犯之奴僕交與戶部入官

一就撫盜賊有爲盜時擄掠婦女若原夫及其

父母期親認識而堅執不與者聽赴官司告
理將婦女斷歸完聚女已配合不願還者聽
一如有潛匿山林有名大盜投歸者准其免罪
一凡異姓人歃血訂盟焚表結拜弟兄不分人
數多寡照謀叛未行律爲首者擬絞監候其
無歃血盟誓焚表事情止結拜弟兄爲首者
杖一百爲從者各減一等

一凡不逞之徒歃血訂盟轉相結連土豪市棍
衙役兵丁彼倡此應爲害良民據鄰佑鄉保

首告地方官如不准理又不緝拏惟圖掩飾
或至蠶起爲盜抄掠橫行將地方文武各官
革職從重治罪其平日失察首告之後不自
隱諱卽能擒獲之地方官免其議處至鄉保
鄰佑知情不行首告者亦從重治罪如旁人
確知首告者該地方官酌量給賞倘借端妄
告者仍照誣告律治罪

造妖書妖言

凡造識緯妖書妖言及傳用惑眾者皆斬

監候被惑

人不坐不及眾者流三千里合依量情分坐

若

他人造傳

私有妖書隱

藏不送官者杖一百徒三年

條例

一凡妄布邪言書寫張貼煽惑人心為首者斬

立決為從者皆斬監候

一凡有狂妄之徒因事造言捏成歌曲沿街唱

和及以鄙俚褻嫚之詞刊刻傳播者內外各

大清律例
卷一百一十五
地方官卽時察拏坐以不應重罪若係妖言
惑衆仍照律科斷

一凡坊肆市賣一應淫詞小說在內交與八旗
都統都察院順天府在外交督撫等轉行所
屬官弁嚴禁務拶板書盡行銷毀有仍行造
作刻印者係官革職軍民杖一百流三千里
市賣者杖一百徒三年買看者杖一百該管
官弁不行查出者交與該部按次數分別議
處仍不准借端出首訛詐

一各省抄房在京探聽事件捏造言語錄報各處者係官革職軍民杖一百流三千里該管官不行查出者交與該部按次數分別議處其在京貴近大臣家人子弟倘有濫交匪類前項事發者將家人子弟并不行約束之家主並照例議處治罪

盜大祀神御物

凡盜大祀

天神地祇

御用祭器帷帳等物及盜

饗薦玉帛牲牢饌具之屬者皆斬

不分首從監守常人

謂在殿內及已至祭所而盜者

其祭器品物

未進神御及營造未

成若已奉祭訖之物及其餘官物

雖大祀所用非應薦

之物皆杖一百徒三年若計贓重於本罪

杖一百徒

三年者各加盜罪一等

謂監守常人盜者各加監守常人盜罪一等至

雜犯絞斬不加

並刺字

盜制書

凡盜制書者

若非御寶原書止抄行者以官文書論

皆斬

不分首從

○

盜各衙門官文書者皆杖一百刺字若有所

規避者

或侵欺錢糧或受財買求之類

從重論事干

係

軍機

之

錢糧者皆絞

監候不分首從

盜印信

凡盜各衙門印信者

不分首從

皆斬

監候又偽造印信時憲書條例

云欽給關防與印信同

盜關防印記者皆杖一百刺字

盜內府財物

凡盜內府財物者皆斬

雜犯但盜卽坐不論多寡不分首從若財物未

進庫止依盜官物

論內府字要詳

條例

一凡盜

內府財物係

御寶

乘輿服御物者仍作實犯死罪其餘監守盜銀三十

兩錢帛等物值銀三十兩以上常人盜銀六

十兩錢帛等物值銀六十兩以上俱問發邊
遠充軍內員同

一凡盜

內府財物係雜犯及監守常人盜竊盜掏摸但三
次者俱併論比照竊盜三犯律處絞仍分別
恩赦前後論

盜城門鑰

凡盜京城門鑰皆

不分首從

杖一百流三千里

雜盜犯

府州縣鎮城關門鑰皆杖一百徒三年盜倉

庫門

內外各衙門

等鑰皆杖一百並刺字

盜皇城門鑰律

無文當以盜內府物論盜監獄門鑰比倉庫

盜軍器

凡盜

人關領
在家

軍器者

如衣甲鎗刀
弓箭之類

計贓以凡盜

論若盜

民

應禁軍器者

如人馬甲傍牌火筒
火砲旂纛號帶之類

與

事主
已得

私有

之

罪同若行軍之所及宿衛軍

人相盜入已者准凡盜論

若不
入已

還充官用者

各減二等

刑部

刑部

刑部

刑部

刑部

刑部

盜園陵樹木

凡盜園陵內樹木者皆不分首從杖一百徒三年若

盜他人墳塋內樹木者首從杖八十從減一等若計

入已贓重於杖徒杖本罪者各加盜罪一等各加監守常人

竊盜罪一等若未
馱載仍以毀論

條例

一車馬過

陵者及守

陵官民入

陵者百步外下馬違者以大不敬論杖一百

一凡山前山後各有禁限若有盜砍樹株者驗實椿楂比照盜

大祀神御物律斬奏請

定奪爲從者發邊衛充軍取土取石開窑燒造放火燒山者俱照律分別首從擬斷

一凡子孫將祖父墳園樹木砍伐私賣者照違令律治罪私買者罪同奴僕盜賣者計贓加竊盜一等治罪盜他人墳園樹木者計贓准

竊盜論其盜賣墳塋之房屋碑石磚瓦木植
等項均照此例治罪私砍樹木等物分別入

官給主

監守自盜倉庫錢糧

凡監臨主守自盜倉庫錢糧等物不分首從併

贓論罪

併贓謂如十人節次共盜官銀四十兩雖各分四兩入已通算作一處其

十人各得四十兩罪皆斬若十人共盜五兩皆杖一百之類三犯者絞問實犯○並

於右小臂膊上刺盜官

銀糧物

三字

每字各方一寸五分每畫

各闊一分五釐上不過肘下不過腕餘條准此

一兩以下杖八十

一兩之上至二兩五錢杖九十

五兩杖一百

七兩五錢杖六十徒一年

一十兩杖七十徒一年半

一十二兩五錢杖八十徒二年

一十五兩杖九十徒二年半

一十七兩五錢杖一百徒三年

二十兩杖一百流二千里

二十五兩杖一百流二千五百里

三十兩杖一百流三千里
雜犯三流
總徒四年

四十兩斬
雜犯徒
五年

條例

一凡漕運糧米監守盜六十石入已者發邊遠充軍入已數滿六百石者擬斬監候

一漕白二糧過淮以後責令該管道府州縣往來巡察有盜賣盜買之人拏獲卽各枷號一箇月糧米仍交本船米價入官充餉運弁俟回南日聽總漕緝打四十如地方官失察者交該部議處

一小船人戶受雇偷載漕糧盜賣者將船戶照

漕白二糧過淮後盜賣盜買枷號一箇月例
減二等發落其漕船頭舵明知旂丁盜賣不
據實舉首者俱照不應重律杖八十受財計
贓從重論

一凡侵盜倉庫錢糧入已數在一千兩以下者
仍照本律擬斬雜犯准徒五年一千兩以上
者擬斬監候遇

赦准予援免如數逾一萬兩以上者不准援免文武

官員犯侵盜者俱免刺字

一凡侵盜那移應追之贓一年內全完將死罪人犯比免死減等例再減一等發落軍流徒罪等犯免罪若不完犯人暫停治罪再限一年追賠完者死罪人犯免死減等發落軍流徒罪亦減等發落若不完軍流徒罪犯人卽行充配死罪照原擬監追仍再限一年着落犯人妻及未分家之子名下追賠如果家產全無不能賠補在旂叅佐領驍騎校在外地方官取具印甘各結申報都統督撫保題豁

免結案倘結案後別有田產人口發覺者盡
行入官將承追出結各官革職所欠贓銀米
穀着落賠補督催等官照例議處內外承追
督催武職俱照文職例議處再一應贓私察
果家產全無力不能完者概予豁免不得株
連親族倘濫行着落親族追賠將承追官革
職其該管上司如有逼迫出結之事屬官不
行出首從重治罪

一凡侵盜錢糧之犯照例分別治罪外其侵欺

錢糧着落犯人妻及未分家之子名下照追入官至如一人名下有侵欺又有那移者應無論那移侵欺之案並發及侵欺之案先發那移之案後發均着勒限一年令其先完那移之項後完侵欺之項若完那移數內完足侵欺之數其餘侵欺那移之數委屬力不能限內全完者將擬斬人犯暫停正法仍再勒限監追此等虧空之案該督撫務宜秉公確審固不可以那爲侵使人冤抑其有以侵爲

那及非實在無力完帑者該督撫扶同徇庇
借端巧爲開脫或被入首告或經指叅將該
督撫交部嚴加議處

一凡八旗侵盜案內有無力完帑並無隱匿情
弊者將本犯仍歸原罪完結外妻子等免其
治罪如有隱匿情弊仍照雍正七年定例并
依侵盜本條則例分別數目其未完之數在
一千兩以上本犯現在擬斬監禁者將伊妻
並未分家之子入辛者庫數在一千兩以下

者將隱匿之人枷號三箇月發落若係那移等項仍照隱匿本律治罪所隱財產俱行入官該管保題各官亦俱照舊例治罪追賠一完贓減免之犯如又犯贓俱在本罪上加一等治罪

大清律例

五

糧

日
一
五
十
金

常人盜倉庫錢糧

凡常人

不係監守外皆是

盜倉庫

自倉庫盜出者坐

錢糧等物

發覺而

不得財杖六十

從減一等

但得財者不分首

從併贓論罪

併贓同前

並於右小臂膊上刺盜官

銀糧物三字

一兩以下杖七十

一兩以上至五兩杖八十

一十兩杖九十

一十五兩杖一百

二十兩杖六十徒一年

二十五兩杖七十徒一年半

三十兩杖八十徒二年

三十五兩杖九十徒二年半

四十兩杖一百徒三年

四十五兩杖一百流二千里

五十兩杖一百流二千五百里

五十五兩杖一百流三千里

雜犯三流
總徒四年

八十兩絞

雜犯徒五年其監守直
宿之人以不覺察科罪

條例

一凡漕運糧米常人盜一百二十石入已者發邊遠充軍入已數滿六百石者擬絞監候

一凡常人盜倉庫錢糧不分腹裏沿邊沿海但入已數滿三百兩者擬絞監候不滿三百兩者照正律併贓擬罪

一竊盜鞘餉自一兩至八十兩仍照常人盜倉庫錢糧計贓科斷若盜至一百兩以上者擬絞監候

一 凡有...
一 凡有...
一 凡有...
一 凡有...
一 凡有...
一 凡有...
一 凡有...
一 凡有...
一 凡有...
一 凡有...

强盜

凡强盜已行而不得財者皆杖一百流三千里

但得主事財者不分首從皆斬雖不分賊亦坐其造意不行又

不分賊者杖一百流三千里盜不行又不分賊者杖一百○若以藥迷

人圖財者罪同但得財皆斬○若竊盜臨時有拒

捕及殺傷人者皆斬監候得財不得財皆斬須看臨時二字因

盜而姦者罪亦如之不論成姦與否不分首從共盜之人

不曾助力不知拒捕殺傷人及姦情者審確止

依竊盜論分首從得財不得財○其竊盜事主知覺棄

財逃走事主追逐因而拒捕者自依罪人拒

捕律科罪

於竊盜不得財本罪上加二等杖七十毆人至折傷以上絞殺人者

斬為從各

減一等

○凡強盜自首不實不盡只宜以名例自首律內至死減等科之

不可以不應從重科斷竊盜傷人自首者但免其盜罪仍依鬪毆傷人律論

條例

一強盜殺人放火燒人房屋姦污人妻女打劫

牢獄倉庫及干係城池衙門并積至百人以

上不分曾否得財俱照得財律斬隨卽奏請

審決梟示若止傷人而未得財比照搶奪傷

人律科斷

凡六項有一於此卽引梟示隨犯摘所犯之事

一凡響馬強盜執有弓矢軍器白日邀劫道路

賊証明白者俱不分人數多寡曾否傷人依

律處決於行劫處梟首示衆

如傷人不得財依白晝搶奪傷

人斬其江洋行劫大盜俱照此例立斬梟示

一強盜內有老瓜賊或在客店內用悶香藥麪

等物迷人取財或五更早起在路將同行客

人殺害此種兇徒拏獲之日務必究緝同夥

并研審有無別處行劫犯案將該犯不得解

往他處於被獲處監禁俟關會行劫各案確
實口供到日審明具題卽於監禁處照強盜
得財律不分首從皆斬仍知照原行劫之處
張掛告示諭衆知之

一凡捕役人等奉差緝賊審非本案正盜若其
人素行不端或曾經犯竊有案者將捕役照
誣良爲盜例減一等杖一百徒三年至其人
本係良民捏稱踪跡可疑素行不軌妄行拏
獲及雖犯竊有案已改惡爲善人所共知仍

復妄拏并所獲之人不論平人竊盜私行拷打嚇詐財物逼勒認盜及所緝盜案已獲有正賊因夥盜未獲將犯有竊案之人教供誣扳濫拏充數等弊俱照誣良爲盜例治罪

一凡誣竊爲盜拏到案日驗明並無拷逼情事或該犯自行誣服并有別故例應收禁因而監斃者將所誣拏之人杖一百流三千里其嚇詐逼認因而致死及致死二命者俱照誣告致死律擬絞監候拷打致死者照故殺律

擬斬監候

一捕役爲盜雖非造意爲首均照造意爲首律擬斬立決其失察之該管官交部議處如該管官逼勒改供或捏稱革役該管上司不能查出一併交部照例議處如捕役與巨盜交結往來奉差緝拏走漏消息及非伊承緝之案漏信脫逃者不分曾否得財均照本犯之罪治罪

一承緝盜案汛兵有審係分贓通賊者均與盜

賊同科至死減一等若知情故縱者照窩主知情存留例分別治罪如並不知情止係查緝不力者照不應重律科斷

一事主報盜止許到官聽審一次認贓一次所認贓物卽給主寧家不許往返拖累違者將承審官嚴加議處

一事主呈報盜案失單須逐細開明如贓物繁多一時失記准於五日內續報該地方官將原報續報緣由於招內聲明至獲盜起贓必

須差委捕員眼同起認如捕役私起贓物或
借名尋贓逐店捺察或囑賊誣扳指稱收頓
或將賊犯已物作贓或買物栽贓或混認瞞
贓等弊事發除捕役照律例從重問擬外其
承問官不嚴禁詳審該督撫不嚴飭題叅者
一併交部議處

一強竊盜賊見獲之贓各令事主認領外如不
足原失之數將無主贓物賠補餘剩者入官
如仍不足將盜犯家產變價賠償若諸色人

典當收買盜賊贓物不知情者勿論止追原
贓其價於犯人名下追徵給主

一事主呈報盜情不許虛誣捏飾倘有並無被
劫而謊稱被劫及以竊爲強以姦爲盜者俱
杖一百以人命鬪毆等事報盜者其本身無
罪亦杖一百若本有應得之罪重者照本罪
從重問擬本罪輕者加一等治罪若姦棍豪
紳憑空捏報盜劫藉以陷害平人訛詐印捕
官役者照誣告人死罪未決律問遣甲長鄰

佑扶同者各照事主減一等治罪

一地方文武官員因畏疎防承緝處分恐嚇事
主抑勒諱盜或改強爲竊者均照諱盜例革
職承行書辦杖一百若抑勒苦累事主致死
者除革職外照故勘平人致死律治罪該管
司道府廳州不行查報督撫不行查叅者俱
交部照例議處

一凡竊盜等事責令該地保營汛兵丁分報各
衙門文武員弁協力追拏如地保汛兵通同

隱匿不報及地保已報文職而汛兵不報武弁或汛兵已報武弁而地保不報文職者均照強盜窩主之鄰佑知而不首例杖一百若首報遲延應照牌頭曾首告而甲長不行轉報例杖八十

一凡投首之賊借追賊名色將平人捏稱同夥或挾讐扳害或索詐財物不分首從得財與未得財皆斬立決

一強竊盜再犯不准首家人共盜以凡人首從

論

一造意爲首之盜脫逃如有夥盜供出逃匿所
在限一年之內緝獲限內不獲將各盜照律
題結如限內拏獲者將供出之夥盜照例免
死分別發遣若係例應免死減等之夥盜供
出首盜逃匿所在卽行拏獲者改擬杖一百
流三千里

一凡未傷人之盜首能於罪未發而自首者僉
妻發邊衛充軍至聞拏投首與悔過自首者

不同照情罪可原例僉妻發遣如無妻室者
仍照例改發雲貴川廣烟瘴地方窩家盜線
如有自首及聞拏投首者亦照未傷人之盜
首分別充軍發遣倘有親屬首告亦照此例
辦理

一凡拏獲盜犯到案卽行嚴訊如有行劫別案
訊明次數并所得贓物取具確供申報行文
被盜之州縣查訊供詞彼此相同無庸對質
者卽行定案不必往返提訊倘有供出別案

之夥盜未獲一人必須待質者承審官於文
內聲明該督撫亦於疏內聲明俟彼案獲有
夥盜質對明確題請正法若與原獲之州縣
情罪相等者卽於本處完結如此案罪輕彼
案罪重者詳明各上司將該犯押解交與重
罪處嚴行監禁審明歸結如別州縣有指已
正法之盜作爲首盜或盜數未足作爲夥盜
希圖銷案及州縣彼此行查盜犯口供不卽
詳細訊明關覆以致案件不能完結者該督

撫查明題叅交部分別議處

一凡問刑衙門鞫審強盜必須賊証明確者照例卽決如賊跡未明招扳續緝涉於疑似者不妨再審或有續獲強盜無自認口供賊跡未明夥盜已決無証者俱引監候處決

一凡強盜誣扳良民除首盜殺人及傷人夥盜并行劫三次者俱例應正法無庸加等外其未傷人之夥盜加等照傷人例擬斬立決

一凡強盜重案交與印官審鞫不許捕官私行

審訊番捕等役私拷取供違者捕官叅處番役等於本衙門首枷號一箇月杖一百革役如得財及誣陷無辜者從重科罪其承問官於初審之時卽先驗有無傷痕若果無傷必於招內開明並無私拷傷痕字樣若疎忽不開扶同隱諱及縱容捕官私審者卽將印官題叅交部議處

一凡強盜初到案時審明夥盜贓數及起有贓物經事主確認卽按律定罪其夥盜數目以

初獲強盜所供爲確初招既定不許續報如
係竊賊審明行竊次數并事主初供但搜有
正賊卽分別定擬若原賊花費照例追變賠
償如事主冒開贓物杖八十其盜賊供出賣
贓之處如有伊親黨并胥捕人等藉端嚇詐
者計贓加竊盜一等治罪

一強盜行劫鄰佑知而不協拏者杖八十如鄰
佑或常人或事主家人拏獲強盜一名者官
給賞銀二十兩多者照數給賞受傷者移送

兵部驗明等第照另戶及家僕軍傷例將無主馬匹等物變價給賞其在外者以各州縣審結無主贓物變給如營汛防守官兵捕賊受傷者照綠旂陣傷例分別給賞若被傷身亡者亦照綠旂陣亡例分別給與身價銀兩一強盜同居父兄伯叔與弟其有知情而又分贓者如強盜問擬斬決減一等杖一百流三千里如問擬發遣亦減一等杖一百徒三年其雖經得財而實係不知情者照本犯之罪

減二等發落父兄不能禁約子弟爲盜者杖

一百

一凡情有可原之夥盜內如果年止十五歲以下審明實係被人誘脅隨行上盜者無論分賊與不分賊俱問擬滿流不准收贖

一凡行劫二次之夥盜又每案內各轉糾三人以上及幫助網毆按捺事主逼索財物者無論傷人不傷人並不得以情有可原循例

奏請

一強盜案內有知而不首或強逼爲盜臨時
逃避行劫後衆盜分與贓物以塞其口者照
知強竊盜之後分贓律科斷不得槩擬窩主
分贓不行之罪

大清律例卷二十四目錄

刑律

賊盜中

劫囚

白晝搶奪

竊盜

盜馬牛畜產

盜田野穀麥

大清律例

盜匪

盜匪

盜匪

盜匪

盜匪

盜匪

盜匪

大清律例卷二十四

大清律例卷二十四

刑律

賊盜中

劫囚

凡劫囚者皆

不分首從斬

監候但劫即若私竊放囚

人逃走者與囚同罪至死者減一等

雖有服親屬與

常人

竊而未得囚者減

囚

二等因而傷人者

絞

監候

殺人者斬

監候雖殺傷被竊之囚亦坐前罪不問得囚與未得囚

為從各減一等

承竊囚與竊而未得二項

若官司差人迫

徵錢糧勾攝公事及捕獲罪人聚眾中途打

奪者首杖一百流三千里因而傷差人者絞

監候殺人及聚至十人九人而下止依前聚眾科斷為首者

斬監候下手致命者絞監候為從各減一等其率

領家人隨從打奪者止坐尊長若家人亦曾

傷人者仍以凡人首從論家長坐斬為從坐流不言殺人者舉

輕以該重也。其不於中途而在家打奪者若打奪之人原非所勾捕之人依威力於私家拷打律主使人毆者依主使律若原係所勾捕之人自行毆打在有罪者依罪人拒捕律無罪者依拒毆追攝人律

條例

一凡官司差人追徵錢糧勾攝公事并捕獲罪人但聚衆至十人以上中途打奪爲從者如係親屬並同居家人照常發落若係異姓同惡相濟及槌師打手俱發邊衛充軍

一凡行劫罪囚不論曾否得囚有無傷人將爲首之人擬斬立決有傷人者將傷人之夥犯亦擬斬決有殺人者將爲首之人及夥犯俱擬梟示其餘爲從未經殺人傷人者仍依律

擬斬監候其在中途打奪罪囚因而殺人者
爲首擬斬決下手致命者擬絞決餘仍照律
分別坐罪

白晝搶奪

人少而無兇器搶奪也人多而有兇器強劫也

凡白晝搶奪人財物者

不計賊

杖一百徒三年計

賊

併賊論

重者加竊盜罪二等

罪止杖一百流三千里

傷

人者

首斬監候

為從各減

為首

一等並於右小臂

膊上刺搶奪二字○若因失火及行船遭風

著淺而乘時搶奪人財物及拆毀船隻者罪

亦如之

亦如搶奪科罪

○其本與人鬪毆或勾捕罪

人因而竊取財物者計賊准竊盜論因而奪

去者加二等罪止杖一百流三千里並免刺

若竊奪有殺傷者各從故鬪論其人不與爭而殺之曰故與

爭而殺之曰鬪

條例

一凡總甲快手應捕人等指以巡捕勾攝爲由毆打平人搶奪財物者除實犯死罪外犯該徒罪以上不分人多人少若初犯一次屬軍衛者發邊衛充軍屬有司者發邊外爲民雖係初犯若節次搶奪及再犯累犯笞杖以上者俱發原搶奪地方枷號一箇月照前發遣

若里老鄰佑知而不舉所在官司縱容不問

者各治以罪

里老鄰佑依同行知有謀害而不救阻律杖一百官司照故出

人罪律
科斷

一凡問白晝搶奪要先明事犯根由然後揆情
剖決在白晝爲搶奪在夜間爲竊盜在途截
搶者雖昏夜仍問搶奪止去白晝二字若搶
奪不得財及所奪之物卽還事主俱問不應
如強割田禾依搶奪科之探知竊盜人財而
於中途搶去准竊盜論係強盜賊止問不應

若見分而奪問盜後分贓其親屬無搶奪之
文比依恐嚇科斷

一凡聚衆夥謀搶奪路行婦女或賣或自爲奴
婢者審實不分得財與未得財爲首者斬立
決爲從者皆絞監候如知情故買者減正犯
罪一等不知者不坐其搶奪人犯之主知情
不首者照知情故買治罪該管官員不行嚴
禁察拏者交該部議處領催總甲杖八十

一凡白晝搶奪三犯者擬絞立決如搶奪竊盜

各不及三次免其併擬各照所犯之罪發落
一凡黔楚兩省相接紅苗彼此讎忿聚衆搶奪
者照搶奪律治罪人數不及五十名傷人爲
首者枷號兩箇月爲從者一箇月殺人者斬
監候下手者枷號三箇月爲從者四十日聚
至五十人者雖不殺人爲首者亦斬監候爲
從者枷號五十日殺人者斬決下手之人絞
監候爲從者各枷號兩箇月聚至百人者雖
不殺人爲首者斬決爲從者各枷號兩箇月

殺人者斬決梟示下手之人俱斬監候爲從者各枷號三箇月所搶人畜財物追還給主

一凡苗人犯搶奪該管土官約束不嚴俱交部議若至百人以上土司府州革職百戶寨長罷職役滿杖知情故縱者革職枷號一箇月俱不准折贖若教令指使或通同圖利者照爲首例治罪

一凡糧船水手夥衆十人以上執持器械搶奪爲首照強盜律治罪爲從減一等如十人以

下又無器械者照搶奪律治罪出結之旂丁
頭舵拏送者免罪如容隱不首及徇庇不拏
者照強盜窩主律分別治罪

一凡白晝搶奪殺人者照竊盜拒捕殺人例擬
斬立決下手爲從之犯照竊盜拒捕殺人爲
從人犯應發吉林烏喇等處者依名例分別
改遣之例問發其搶奪傷人首犯仍照本律
科斷下手爲從者亦照竊盜拒捕傷人爲從
例發邊衛充軍俱仍照例面上刺克犯二字

若傷非金刃又傷輕平復者照竊盜拒捕例
爲首者發邊衛充軍爲從及自首者杖一百
徒三年其搶奪竊盜殺傷之案以下手傷人
者爲首在場助力者爲從其不曾助力者仍
照搶奪竊盜本律首從論傷有多處者以致
命傷重者爲首致命傷多者以後下手者爲
首其致命重傷不知孰爲先後者以初動手
者爲首

一凡白晝搶奪人財物至一百二十兩以上者

照竊盜滿貫律擬絞監候

一凡出哨兵弁如遇商船在洋遭風尚未覆溺及著淺不致覆溺不爲救護反搶取財物拆毀船隻者照江洋大盜例不分首從梟示如遭風覆溺人尚未死不速救護止顧撈搶財物以致商民淹斃者將爲首之兵丁照搶奪殺人律擬斬立決爲從照傷人律擬斬監候所搶財物照追給主如不足數將犯人家產變賠在船將備如同謀搶奪雖兵丁爲首該

弁亦照爲首兵丁例治罪雖不同謀而分賊者以爲從論若實係不能約束並無通同分肥情弊照例議處如見船覆溺雖搶取貨物傷人未致斃命者不計賊爲首杖一百流三千里爲從減一等若商船失風被溺商民俱已救援得生因而撈搶財物者兵丁照搶奪本律杖一百徒三年計賊重者從重定擬該管弁員照鈴束不嚴例議處如淹死人命在先弁兵見有漂失無主船貨撈搶入己不報

者照得遺失官物坐贓論罪如見船覆溺阻撓不救以致淹斃人命者爲首阻救之人照故殺律擬斬監候爲從照知人謀害他人不卽救護律杖一百官弁題叅革職兵丁革除名糧如有兇惡之徒明知事犯重罪在外洋無人處所故將商人全殺滅口圖絕告發者無論官兵但係在船同謀均照強盜殺人律不分首從擬斬梟示以上弁兵除應斬決不准自首外其餘事未發覺而自首杖一百徒

三年流罪以下槩准寬免仍追贓給主如有
誤坐同船並未分贓之人能據實首報除免
罪外仍酌量賞給其哨船未出口之前取同
船兵丁不致搶物爲匪連名甘結令在船將
弁加結申送該管上司存案巡哨回日仍取
同船兵丁甘結轉送該管上司其上司如不
係同船失於覺察或通同庇匿及地方州縣
若據難民呈報不卽查明轉詳反行抑諱及
道府不行察報督撫提鎮不行查叅者均照

例議處再營汛弁兵如能竭力救護失風人船不私取絲毫貨物者該管官據實申報督撫提鎮按次記功照例議敘倘弁兵因救援商人或致受傷被溺詳報督撫查明優卹其邊海居民以及採捕各船戶如有乘危搶奪者均照搶奪本律治罪有能救援商船不取財物者該督撫亦酌量給賞

一江南通州崇明昭文沙民夥衆爭地除不持器械爭奪及聚衆不及四五十人者照侵占

他人田宅律科斷如係執持器械及聚衆四
五十人有抗官重情者照光棍例爲首者擬
斬立決爲從者擬絞監候逼勒同行之人各
杖一百

竊盜

凡竊盜已行而不得財笞五十免刺但得財

論不

分賊不以一主為重併賊論罪為從者各上

分賊不以一主為重併賊論罪為從者各

指上

得財不言減一等

以一主為重謂如盜得二家財物從一家賊多者科罪併

賊論謂如十人共盜得一家財物計賊四十兩雖各分得四兩通算作一處其十人各得

四十兩之罪造意者為首該杖一百餘人為從各減一等止杖九十之類餘條准此初

犯並於右小臂膊上刺竊盜二字再犯刺左

小臂膊三犯者絞

監候

以曾經刺字為坐○搃

摸者罪同

一兩以下杖六十

一兩以上至一十兩杖七十

二十兩杖八十

三十兩杖九十

四十兩杖一百

五十兩杖六十徒一年

六十兩杖七十徒一年半

七十兩杖八十徒二年

八十兩杖九十徒二年半

九十兩杖一百徒三年

一百兩杖一百流二千里

一百一十兩杖一百流二千五百里

一百二十兩杖一百流三千里

一百二十兩以上絞監候○三犯不論贓數絞

監候

條例

一凡竊盜臨時拒捕爲首殺人者照強盜律擬斬立決爲從者應發遣吉林烏喇白都諾寧

古塔等處披甲人爲奴照名例分別改遣之
例問發其傷人未死者首犯擬斬監候爲從
發邊衛充軍若傷非金刃又傷輕平復並拒
捕不傷人者首犯發邊衛充軍爲從及自首
者杖一百徒三年

一竊盜三犯除贓至五十兩以上照律擬絞外
其五十兩以下至三十兩應發遣黑龍江當
差者照名例分別改遣之例問發三十兩以
下至十兩以上者發邊衛充軍如銀不及十

兩錢不及十千者俱杖一百流三千里

一凡旂人另戶正身竊盜三犯擬以枷責之後復行偷竊者除計贓在五十兩以上仍照律擬絞外如在五十兩以下者不計贓數俱發寧古塔當差

一凡竊盜停其臂膊刺字應明刺面上另戶人仍於臂膊上刺字

一凡另戶兵丁奴僕披甲人另戶當差人爲竊盜或搶奪及奴僕盜家長者亦俱刺字

一凡直隸各省竊盜初犯者俱照例刺字不得以贓少罪輕免刺其應遣者俱照例問發除問擬徒流外其餘刺責發落者交與保甲收管該地方官仍不時查點毋許出境

一凡竊盜搶奪掏摸等犯遇

赦俱免刺字

一凡捕役行竊除計贓分首從照常人擬罪外各加枷號兩箇月

一凡捕役勾通竊賊坐地分贓叅竊一二名者

照常人竊盜之罪治罪外加枷號三箇月至
三四名者杖一百流三千里五名以上者發
邊衛充軍如勾通之賊係積匪猾賊一二名
者發附近充軍三四名者發邊遠充軍五名
以上者發極邊烟瘴地方充軍倘地方官平
時不行稽察或知風查拏不加嚴究止以借
端責革照不實力奉行稽查盜賊例交部議
處

一凡兵丁爲竊移回本營令該管官緝打插箭

遊營仍送有司收管照捕役行竊例按罪發落該管武弁及承審文官有意開脫者各照例議處

一凡店家船戶有行竊商民及糾合匪類竊賊朋分者除分別首從計贓照常人科斷外仍照捕役行竊例各加枷號兩箇月

一五城兩縣及三營內務府捕役拏獲竊賊者俱限卽日稟報本管官如晚間拏獲限次早稟報該管官訊明被竊情由將事主年貌姓

名住址及所失贓物詳記檔案卽令事主寧家不必一同解送該管上司衙門如贓物現獲卽出示令事主認領倘不法捕役違限不行呈報任意勒索事主許事主赴都察院呈告將捕役照恐嚇取財例治罪其該管官有失於覺察及任意縱容者交部分別議處

一凡竊盜贓至滿貫擬絞及應擬流徒者其同居父兄伯叔與弟知情而又分贓者照本犯之罪減二等雖經得財而實係不知情者減

三等如該犯罪止杖刺其同居父兄伯叔與弟知情而不分贓及不知情而分贓者亦各照本犯罪遞減發落父兄不能禁約子弟爲竊盜者笞四十

一積匪猾賊爲害地方審實不論曾否刺字該督撫照發遣之例發邊衛充軍仍於歲底彙題其餘竊賊仍照律以曾經刺字爲坐分別次數治罪

盜馬牛畜產

凡盜民間馬牛驢羸猪羊雞犬鷺鴨者並計所值

之賊以竊盜論若盜官畜產者以常人盜官

物論○若盜馬牛兼官私言而殺者不計杖一百

徒三年驢羸杖七十徒一年半若計賊並從已殺

計重於徒三年徒一年半本罪者各加盜竊盜常人盜罪

一等

條例

一凡盜

御馬者問罪枷號三箇月發邊衛充軍若將自己及
他人騎操官馬盜賣者枷號一箇月發落盜
至三匹以上及再犯者不拘匹數俱免枷號
發附近衛所各充軍五匹以上者發邊遠充
軍若養馬人戶盜賣官馬至三匹以上者亦
問發附近充軍

一凡冒領太僕寺官馬至三匹者問罪於本寺
門首枷號一箇月發邊衛充軍

若家長令家人冒領三匹

不分首從俱問常人盜官物罪家長引例家人不引

一凡偷盜官馬二匹以下仍以竊盜論三匹以上杖一百流三千里十匹以上不分首從皆絞監候窩主及牧馬人役自行盜賣者罪亦如之

一凡盜牛一隻枷號一箇月杖八十二隻枷號三十五日杖九十三隻枷號四十日杖一百四隻枷號四十日杖六十徒一年五隻枷號四十日杖八十徒二年五隻以上者枷號四十日杖一百徒三年十隻以上杖一百流三十日杖一百徒三年十隻以上杖一百流三

千里盜殺及盜賣者枷號一箇月發附近充軍俱照竊盜例刺字其窩家知情分贓者與盜同罪知情不分贓者杖一百

一駐劄外邊官兵及跟役等有偷盜蒙古馬匹者審實卽在本處正法其蒙古偷盜官兵馬匹或官兵等自相偷盜馬匹仍照舊例行

一偷竊馬匹案件除外藩蒙古仍照理藩院蒙古律擬罪外其查哈兒蒙古有犯偷竊馬匹之案審明如係盜民間馬牛者依律計贓以

竊盜論如係盜

御馬及盜太僕寺等處官馬者亦仍照律例治罪

盜田野穀麥

凡盜田野穀麥菜果及無人看守器物

謂原不設守及

不待守之物

者並計贓准竊盜論免刺○若山野

柴草木石之類他人已用工力砍伐積聚而

擅取者罪亦如之

如柴草木石雖離本處未馱載間依不得財笞五十

合上條有拒捕依罪人拒捕

條例

一凡盜掘金銀銅錫水銀等礦砂每金砂一斤

折銀二錢五分銀砂一斤折銀五分銅錫水

銀等砂一斤折銀一分二釐五毫俱計贓准竊盜論若在山洞捉獲持仗拒捕者不論人數砂數多寡及初犯再犯俱發邊遠充軍若殺傷人爲首者照竊盜拒捕殺傷人律斬不曾拒捕若聚至三十人以上者不論砂數多寡及初犯再犯爲首發邊衛充軍爲從枷號三箇月照竊盜罪發落若不曾拒捕又人數不及三十名者爲首初犯枷號三箇月照竊盜罪發落再犯亦發邊衛充軍爲從者止照

竊盜罪發落非山洞捉獲止是私家收藏道路背負者惟據見獲論罪不許巡捕人員逼令展轉扳指違者叅究治罪

一產礦山場山主違禁勾引礦徒潛行偷挖者照礦徒之例以爲首論若係約練勾引接濟夥同分利者照引領私鹽律杖九十徒二年半得財者計贓准竊盜從重論如因官兵往拏漏信使逃及陰令拒捕者俱照官司追捕罪人而漏洩其事者減罪人所犯罪一等律

治罪保甲地鄰知情容隱不報者均照強盜窩主之鄰佑知而不首例杖一百發落

一旂民越度禁約山河偷採人參已得者財主及率領頭目一人名下所放之人至百名以上所收之參至五百兩以上爲首擬絞監候爲從照例發遣其刨參免死減等人犯亦照爲從例發落所放之人不滿百名所收之參不滿五百兩者爲首杖一百流三千里爲從減一等杖一百徒三年旂人及奉天民俱照

例枷責發落分別刺字牲畜等物付拏獲人
充賞人參入官家僕有犯其主知而遣去者
杖八十知而巧供不知者杖一百係官交部
議處不知者不坐若未得參者財主及率領
頭目係旂人枷號兩箇月鞭一百係

盛京及內地民人俱枷號一箇月杖一百并妻送
戶部入官爲從枷號一箇月杖一百若一二
人刨參所得不至十兩交與

盛京刑部係旂人鞭一百係民杖一百仍照例刺

字如一人創參未得者減二等係旂人鞭八十係民杖八十俱遞回原籍免刺

一偷創人參應擬發遣之犯係滿洲蒙古發江寧荊州西安杭州城都等處滿洲駐防省城當苦差係民人僉妻發廣東沿海及廣西水土平和地方當差係漢軍發廣西雲南貴州等處各水土平和地方當差其寧古塔等處拏獲創參人犯一經審明按律定擬卽徑解各犯原籍交與該督撫分別僉遣定驛充徒

免其解部仍於年底彙題

一山海等關巡查人員如有撥獲人參珠子巡查人等戶部按數給賞該管官兵部議敘如有撥查不力以及私帶過關者將該管官照失察例議處巡查人等照不應重律治罪明知故縱者該管官革職巡查人等枷號一箇月杖一百受賄賣放者計贓以枉法從重發落其失察偷出邊關創參至一百名者領催披甲人等鞭五十至二百名者鞭一百至五

百名以上者枷號一箇月鞭一百該守禦官
亦按失察名數分別議處如有自行拏獲者
免議

一凡拏獲販參之犯所販之參至五百兩以上
者照偷創人參五百兩以上絞監候例減一
等擬流不滿五百兩者照偷創不滿五百兩
杖一百流三千里例減一等擬徒不滿十兩
者照一二人創參不滿十兩杖一百例減一
等杖九十均免刺字



